

尊小學齋集

甲申春莫桐城
黃雲書



尊小學齋文集四

自題望雲圖

噫嘻雲耶親耶是耶非耶雲之所在吾親果舍其下耶親之所在是雲果爲之衛耶雲猶在耶而吾親何在耶雲耶雲耶其卽吾親之影耶雲去而還來親去而竟不可復來耶其駕雲車而遊蓬島之巔耶抑衣雲衣而驟鸞鶴之班耶吾將采片雲以爲供而親其翩然來下耶吾將飛朶雲以相追而親其欣然來會耶嗚呼噫嘻終天一慟幽冥路隔跼地踏天塊然六尺愴絕劬勞報難萬一雲耶親耶是尊小學齋集

文集四

耶非耶帖吧淒迷我心蘊結彼蒼者天曷其有極

無錫余治蓮邨

書畫堂

國朝古

六神圖

梁溪化雨圖題辭

梁溪化雨圖者吾邑士民爲前邑侯山陰錢慎菴先生作也先生之莅我梁溪也以咸豐四年越二年奉諱旋里距於今三年矣都人士不能忘也作此圖以誌去思而屬治爲文題其端治不敏辱先生知最深義不容以不文辭論於衆曰諸君之思我侯者安在惓惓若此衆皆歛容曰吾儕小民沐浴仁化不識不知於我侯之學術造詣何能窺見萬一而發政行事有不能忘者吾邑素多訟風刁民猾吏因緣爲奸我侯開誠布公悉心整飭自是僉壬屏息良民安枕其不能忘者一吾邑冬漕有大小戶長短價之目

尊小學齋集

文集四

二

積弊困民我侯慨思有以平之更張汰除紳民劃一小民賴之其不能忘者一邑自東林倡道理學久衰我侯憂士習之不端也乃整書院乃興義塾敦品率教士風蒸蒸其不能忘者一鄉約久視具文我侯躬率紳董督飭宣講一時黃童白叟莫不環觀羣聽歎息泣下者其不能忘者又一凡此人所不能爲者我侯爲之人所不及行者我侯行之侯之於吾民父生師教惠澤如此吾儕小民獨非人情而謂能忘情也哉然以治觀之有不盡於是者先生日坐堂理事不少怠退居一室蕭然如僧公暇閱古書偶一吟咏必有關於懲勸接見邑中人士必詳問民間疾苦當是

時粵匪竊據金陵蘇常戒嚴梁溪當往來孔道羽書絡繹
凡籌餉團防事宜紛紛錯出政日以繁先生從容布置不
動聲色處之裕如而又以其間定大變弭大獄毅然決然
不矜不伐惟以上不負 國下不病民爲兢兢至於今合
邑士民頌先生者如出一口時雨之化日久彌新求之兩
漢循吏何多讓焉治謬以迂疎蒙先生沉潛之雅故敢卽
先生之所以治我邑者臚陳之以復於衆且以誌去思之
感云

尊小學齋集

文集四

三

題金石林保嬰冊

噫嘻甚哉天下生人之慘孰有過於近世溺嬰之俗者哉
天心好生人情畏死乃以親生骨肉墮地卽遭戕害其足
以干天怒而傷天和壞風俗而釀災劫者孰甚於此善爲
補救者以人事濟天事之窮而天自鑒之人亦應之善緣
之巧有出於尋常意計外者此予與長興金君石林之遇
可誌焉君弱冠遊庠有志科舉之學以葬親故習堪輿家
言神其術延之者踵相接因其鄉多溺嬰風思有以拯之
乃募建育嬰堂以其術遊四方悉以所得金帛之酬爲之
倡一時好善之士翕然從之創堂於邑之東鄉下源渡堂
成而經費不敷君仍四出告募會予同邑友顧君琢夫承
其尊先人影恬先生遺命將以予所定保嬰會規條囑拯
溺於長興而苦無藉手適君自湖來蘇囑友以書來托印
保嬰會書始悉君本籍長興遷居郡城曾於浙闈見是書
而善之將以此法行於其鄉改育嬰爲保嬰故來購是書
予亦竊幸緣會之適逢正可藉以商辦乃於是年九月訪
君吳興竝訪王君蓮莊適遂安洪君子泉自省垣來湖亦
抵王君家二君蓋皆力善不倦以拯救溺嬰爲己任者王
君得保嬰全書卽爲重刊推行而洪君則頻年神契常以
書函往復渴思一晤而不可得乃以訪君故同日得遇益

快善緣之巧合竟至於自是相與訂約助君開局明年春顧君請其師葛君葆之偕予同往并約洪王兩君暨四方善友會集於下源渡之保嬰堂議定章程合邑計分局延董分辦是日官紳大會演戲勸禁觀聽者以萬計蓋道光二十九年之四月初九日也觀劇之際君偕予登臺拜勸數年辛苦經千磨百折而成此舉勸說之際聲淚俱下予亦代爲說法勸化一時頗多感動其間人事之順遂天時之奇應勝友之景從均有不可思議之處殆皆君精誠所感與予於是益信人命所關造物亦巧爲作合信乎有志者事竟成也甲寅春予於江陰壽興沙擒獲盜首設立保甲局延君董理君爲予主持局務擘畫章程興利除害在局經年人心允洽會上洋克復修理城垣當道延君相度飄然而往將仗策從戎藉展驥足而生平救溺之懷仍刻刻不忘恆以保嬰冊自隨思欲得同志以期推廣謂持是以救天下之溺亦不是過也由是思之人心卽天心也人能體天地之心以爲心是能以人事濟天事之窮者宜乎天人感應之機出於尋常意計之外金君固善承天意予亦何幸而得與君相與有成以締斯勝緣也爰略書巔末跋於冊後以徵予與君奇緣相遇殆有天假云

韓樂吾先生詩集跋

韓樂吾先生當明嘉靖閒崛起海濱其學一宗姚江而不襲其迹以一布衣處隴畝閒故行誼不甚著且先生重躬行而刊詞華故著述之傳世者亦少驥江張陸兩君得其詩集一卷梓以行世其詩闡性理而不入於腐輕軒冕而不涉於傲與田夫野老相倡和而不流於俗脫塵瑤空色相而不遯於虛無風之行也水之流也無意於聲而天籟呈焉樵於山也漁於水也無意於詩而嘯歌出焉月白風清朗吟數過溪山之舜沂水之點陋巷之同一編中彷彿遇之

尊小學齋集

文集四

六

古文觀止約選跋

小子九歲入塾授四子書時有讀古文者心竊好之歸以問先君子書田公謂古文何謂也先君子詔之曰讀陳情表可以教孝讀出師表可以教忠古有言之者然以予觀之古文首篇鄭伯克段於鄆何莫非教孝次篇周鄭交質何莫非教忠忠孝二字實古今撐天柱子是在善讀者領會之汝異日當自知之勿徒慕古文也小子敬誌之年十三先君子兼養家貧力不能從師訓蒙餬口遂取古文自課開卷讀首篇輒怛怛然心動後讀陳情出師二表此情更一往而深不覺夔慕不釋回念先君子言更爲泫然而後尊小學齋集

文集四

七

知古文能移我情也十九澄江薛晴巖師館同里顧氏乃往受業日則訓蒙夜赴講席先生爲講古文發明理道輒如合符節嗣又執贄元和張詠仙晉陵李申耆師二師古文名世者因得略聞緒論稍識指歸更恍然悟文字之所由來非尋常小道也蓋嘗聞之文者所以明道卽所以載道也聖人吐詞爲經六經之文何一非爲世道人心計文非明道卽屬無用之文汗牛充棟於世道何裨近時坊本古文不下數十種而核其所選大抵爲攻舉業者示程式揆之古人立言垂教之意奚啻天壤蓋道之不明也久矣子不敏竊本先君子遺訓就坊本古文觀止稍增損之仍

取名觀止約選非敢獨標新異特爲養正似亦不無小補
區區之心或蒙大雅見諒耳輯竟質諸詠仙師特爲許可
而加以序言未幾諸師先後歸道山追念師承益深惻怛
緬懷遺訓輒用怛然用贅數言益不勝梁木之感云

尊小學齋集

文集四

八

得一錄跋後

予於道光己酉曾采取古今各種善舉章程足資仿辦者彙成一書名曰得一錄蓋取得一善則拳拳服膺之意將以資觀感利推行也剗腕過半旋羅劫火前功盡棄負疚良多去年薄遊滬上晤粵東舊好吳紫石明府卽予初集是書時所竭力贊成者也至是知是書板片垂成被燬深爲惋惜囑予重爲補輯以成前志并爲代商於香山蔡桂培司馬蔡君素好善書卽慨任刻資之半吳君又偕唐景星司馬暨合姪南皋部郎相與協力捐助促付手民因得次第告成分作一十六卷凡親親仁民愛物以及養生送

尊小學齋集

文集四

九

死興利除弊移風易俗諸善舉各已備均係古今良法美意可師可法久著成效者昔夫子有云我欲載諸空言不如見之行事之深切著明也是編所集事事可以仿行溥爲實惠固非空言無補所可同日語者人之欲善誰不如我況經大劫善念易滋特人情無所觸則激發無由得是編而廣布之知必有觀感興起推行盡利者則諸君贊助之功何可不有以記之也刻既竣爰爲書其緣起如右

云

續千家詩跋

近世鄉塾訓蒙恆授神童千家等詩取其便句讀易成誦也顧攷其所選大抵皆前人名作寓意高深於古者小學之教孝悌敬信親愛之義未甚切要而習俗相沿墨守成例童年吟誦惘然無知靜言思之未免躐等蒙以養正之謂何而顧以此爲養正之首務耶昔程子以三百篇文詞深遠別欲作淺近詩歌以訓蒙士呂近溪先生因之作小兒語俗師每以其淺近而忽之殊不思貧家子弟力不能多讀書入塾二三年率多罷去此二三年中爲之師者既未必盡能講解而聖經賢傳之旨多屬大人之學卽講亦

尊小學齋集

文集四

十

未能領略苟非迪以淺近詩歌而徒以不甚切要之書虛其歲月所讀之書又多不能解說是雖讀而一如未讀也余曩曾集續神童詩蓋卽本程子之意而略衍之頗已風行各塾爲大雅所不棄茲又就各家詩中擇其明白顯易者集爲是編非有裨倫常日用者弗登卽名之曰續千家詩猶前志也竊願爲塾師者於童子入塾之初卽以是編授之俾童而習之永永佩服庶幾先入者爲主而終身之趨向不致歧誤未必非小學之一助也至其詩意取勸懲無當風雅區區之心或亦高明所共諒陸放翁詩云明時恩大無由報欲爲鄉鄰講孝經旨哉斯言吾黨士之所以

仰報 朝廷者在此卽所以爲子孫造福者亦在是願與
同志共勉之

尊小學齋集

文集四

十一

學堂講語跋

學者何學爲人也學爲人則學之所重者可知矣乃吾竊怪夫今之鄉塾入學之始必曰識字而已父兄之望之者在是師之所以爲教者亦祇在是而於立身行己居家處世之道略不講究噫亦昧其本矣竊意童蒙入學若但教以識字而不教以爲人則識字乃適足以濟其爲惡逞奸之具反不如不識字之愚氓猶知畏法守分也但爲人之道四子五經非不詳備而聖言幽遠解悟爲難卽與講解亦未能明了童子入塾讀學庸試問明德新民率性脩道作何解說必茫茫無以應也然則今之爲學可鑒矣治生長

尊小學齋集

文集四

七

鄉僻習知鄉塾通病苦無訓蒙善本足爲初學啟發之助旣選續千家詩日記故事續集流布坊間乃復取前明白格言彙成一冊顏曰學堂講語意取明快如白話一般纔讀一過童子已無不曉悟惟望訓學之師撥片刻餘功爲生徒日講三四頁於以開痼蔽而迪彝良其造就者當未可量也積德在人惟師最易安得天下之爲師者皆如此用心也哉

鄉約新編跋

今上御極之元年各直省州縣欽奉

諭旨一體振興

鄉約金學狄立甫師舉充宜講得廁鄉約之列自愧學識淺陋性復拘迂自治未遑何敢侈言化導承命以來日兢兢以寡薄能鮮有負委任是懼會寇氛肆擾民心震動鄉愚煽惑殊抱杞憂乙卯春同人環籲學憲奎札飭各屬議行鄉約適山陰錢慎庵先生宰金邑本忠孝至性爲撫綏方略下車伊始卽以化民善俗爲先務錫侯吳友笙先生同方合志如響斯應相與會同兩學暨邑中鄉先生議設總局倡捐廉俸實行鄉約屬顧君琢夫經理其事定期赴尊小學齋集

文集四

三

鄉集諸父老諄諄勸導一時士民無不額手稱慶懿歎盛哉宣揚 聖化激發忠義胥於是在竊幸立局振興此道可以勿替乃臚陳管見附以前言往行彙成一冊名曰鄉約新編蓋以人心一日不正戾氣一日不消卽天心一日不轉行鄉約洵今日之急務也編成質諸趙伯厚宮贊宮贊爲吾郡保障固以主持風教爲己任者謂是固可推行郡城以濟時艱遂付手民謹就正當代有心濟時君子

江北勸捐啟

嗚呼江南難民之苦至今日尙忍言哉房屋則焚燬矣田地則拋荒矣人肉則烹食餓殍且滿路矣鳩形鵠面四野呼號地慘天愁神驚鬼泣鐵人聞之亦應墮淚江南難民之苦至今日尙忍言哉夫江南難民猶是人耳其居心行事非必大異於江北也其團練巡防非必遠遜於江北也乃江南則烽火連郊江北則黍苗盈野江南則室家離散江北則婦子恬熙江南則樹皮草根搜掘殆盡江北則煖衣飽食宴樂如常同是人耳彼何不幸而生江南此何厚幸而生江北耶彼何罪何愆而爲天之所棄此何惠何能

尊小學齋集

文集四

十四

而爲天之所眷耶豈江南之人皆可死而江北之人多可免耶豈江南之人皆無善足稱而江北之人皆有福能消耶靜言思之天耶人耶天心好生人心造劫劫運因人心而轉移天心卽視人心爲向背天降劫於江南而又重哀江南之人欲救之而不能徧救也安知非畱此一方以爲江南之人生路耶又安知非加厚此一方之人爲江南人移民移粟地耶安知非卽以救災恤鄰之能否爲江北人出劫入劫之權衡耶否則一江之隔片帆可渡非果天墜之可恃也非果長城之可倚也非果雄師勁旅之可資扞禦也而竟得免焉或者天未必無意於其閒欲令江北之

人殫心竭力以救江南之人爲江南人保生全卽爲江北人消殃禍天固以救災恤鄰之道全委於江北之人以試江北之人心以定將來之劫運能生人者卽能自生能救人者卽能自救事有必至理有固然也不然處完善之地值豐穰之歲享團聚之福際千載難得之遭逢而不知竭生平之全力以救人何以仰答天心終免劫連耶噫江南難民之苦至今日不忍言矣劫運因人心而轉移天心卽視人心爲向背劫運之來非可逆料來遲來早尙未定也且夫劫運之來不必刀兵也水火盜賊瘟疫饑荒何一非劫頃刻之間飛災已到爲名爲利百事皆虛萬貫家財一

尊小學齋集

文集四

五

錢難帶刀兵不來天災時有欲逃此劫何地可逃耶欲免此劫何術可免耶噫嘻劫運本乎天固以救災卹鄰之道全委於江北之人以試江北之人心以定將來之劫運除赴救難民之外何道可以自全耶古放生詩云他若死時你救他你若死時天救你物命且然何況人命耶吾於是爲江北人慶吾於是要爲江北人危慶者慶此時種惠事半功倍福壽功名有求必得正可乘時自免也危者危此時苟安尙未夢醒積薪之上累卵之下竊恐不能久恃也然則果如之何而可也計惟有各鑒前車各傾囊囊逢人說法多方勸集分半家財互相援救爲江南難民謀活

計卽爲江北之人關生門庶幾江北之人心轉卽冥漠之
天心亦轉目前之善緣集卽將來之劫運消矣願吾黨熟
思之勉爲之積善機會正在此時吾生百年豈有第二次
得以再遇耶嗚呼江南難民之苦至今日不忍言矣江北
之人見耶聞耶知耶否耶干載一時錯過殊可惜也所願
入寶山者勿空手而回也謹啟

尊小學齋集

文集四

六

小學義塾啟

古者黨有庠州有序睦婣任卹之化成而閭閻無不教之子弟所由治化蒸蒸臻乎上理也後世視教化爲綏務孤寒子弟遂至終身夢夢而莫之教卽有好行其惠爲義學之舉又設在都會其山僻村野或數十里數百里不及一見原其故實以經費浩繁動需千百是以有心無力之士往往畏難中止立法詳則繼起難亦勢之無可如何者於虛聖賢義味不獲使孤寒子弟略與其嘗良可慨也玉不琢不成器人不學不知義聚千百萬不教之民相聚相處非世教之大可憂者乎士爲四民之首讀聖賢書均有先尊小學齋集

文集四

七

知先覺之責乃貿貿然與庸眾同其芻豢坐視世教之敝而不少措意將天地生材之意謂何亦甚負朝廷崇儒養士之恩矣夫法可變通曷弗舍難赴易事求簡便何妨避重就輕若必以經費難籌而遂付之不問將窮鄉編戶千百年竟無義學之興世風何自挽人心何自正耶今於先輩葉中得一至簡至易法名曰小學義塾無論城市鄉村處處可行人人可辦時時可舉久久可通功祇爭一兩月之間效可收千萬人之眾權宜方便廣大圓通節寒士之束脩亦可溥小雅菁莪之化出匹夫之口舌已無殊適人木鐸之巡當亦有心者所樂從事也

錫邑募設鄉鎮節孝祠引

人心風俗之澆醜習而已矣習聞夫邪僻淫蕩之風而醜者以澆習聞夫孝義貞烈之行而澆者以醜是以古聖王式閭以彰忠貞旌門以表孝友而其時男子勉爲孝子悌弟婦人勉爲勁節清操記有之曰吾觀於鄉而知王道之易易也吾鄉慧麓建立節孝祠凡四處其孝友之可風者則有華孝子潘順孫秦雙孝蔡孝友等祠邦人以爲僅足以著聞一邑不足以興起一方謀於各鄉建立總祠以範人心而維風俗庶幾男子登其堂而孝於而親敬於而兄信於而朋友式好於而夫婦婦人拜其室而事翁姑能孝

尊小學齋集

文集四

六

事夫能敬待妾媵有恩不幸夫死從一而終不肩改顏以事他人如是而疾疫不除盜賊不息水旱不免年穀不豐者未之有也且夫民間所祀無論爲天神爲地祇爲人鬼其建祠樹主以報以祈在小民大率爲招弭禍福起見然禍莫甚於逆子呼盧喝雉而惱其爹娘蕩婦贈芍採蘭而棄其家室反是而父子篤兄弟睦夫婦和使一方之中孝友不絕於書貞節不置於口其爲福也大矣務使鄉閭之燒香者還願者祈福者禳禍者在家則以父母翁姑爲活佛出鄉則以義夫節婦爲如來固知勝於九華之進香天竺之禮佛普陀落伽之諷經矣所願紳耆士民量力施助

小學齋書林引言

易曰蒙以養正聖功也夫發蒙始事耳而係之曰聖功豈非以性近習遠子弟入塾之始正良心未昧之時先入為主少成若性作聖之基於是乎在有不可以爲近而忽者哉古者八歲入學教之以灑掃應對進退之節孝弟謹信親愛之行所讀之書若孝經曲禮少儀內則弟子職諸篇俾童而習之目染耳濡庶葆其孩提固有之良而早化其桀驁不馴之氣迨十五始入大學乃與之言脩齊治平之道性情既正教化自易爲力國家多眞人材由於閭閻之多佳子弟者此也後世教子弟者異是蒙童入塾率以學

尊小學齋集

文集四

三

庸開卷學庸大人之學也呼七八歲穉孩而詔以脩齊治平之道天人性命之旨有不懵然罔覺者乎朱子有見及此力復小學著爲成書足爲萬世法而近世鄉塾幾無有過而問者大抵以卷頁數多訓蒙非僂坐使先儒垂教宏文湮沒殆盡良可慨已或者以訓蒙先務亦但求習句讀識字音已耳嗚呼蒙以養正豈徒習句讀識字音而已乎子弟卽力能讀書不於發蒙時明白開導一過此時嗜慾漸開氣質易變驕心惰志已成習慣萬牛之力難以挽回揆厥所由誰職其咎況乎貧家子弟無力從師入塾二三年僂多罷去此二三年中學庸等書固難領略卽坊本所

有神童千家等詩月露風雲何俾實用俗師恐乖時尙墨
守成例又別無淺近善本以爲訓迪平居又不能舉孝子
悌弟故事日爲講解習俗相沿舉世憤憤庸師誤人子弟
甚於庸醫殺人此人心所以日漓世風所以日薄也吾輩
讀聖賢書均有先知先覺之責一日爲師則子弟一生成
敗非師之責而誰責耶蓋學者所以學爲人也貧戶讀書
何等艱苦乃讀書數年而於爲人之道一無所知夢夢終
身日流汗下當亦南面之人所怦然動而惻然念者則小
學之講求豈非今日之急務哉近日善書頗夥而未能徧
及鄉塾且勸之於既經習染以後不若導之於未經習染

尊小學齋集

文集四

三

之先事半功倍也本齋深念及此爰本古人小學之意廣
爲采取凡有啓蒙諸善本足爲小學羽翼者漸次付梓以
便流通倘得仔肩世道君子登高提倡傳佈鄉塾於以資
養蒙於無窮挽小學於將墜上以輔皇聖天子維新之化
下以爲諸童蒙向善之基師道立善人多子弟之幸卽世
教之幸也世不乏賢父師庶有以惠教我乎當與把臂入
林矣是爲引

尊小學齋文集五

無錫余治運邨

薛望之傳

予旣爲故友薛疑祉作家傳竊疑以疑祉盛德而長君望之竟先卒西河之痛人所難堪冥漠中殆有不可知者旣而文孫丙元以望之君行述見示并請作傳予一再讀之不覺怦然動而肅然起久之乃釋然於中也先儒有云吾人立身天地間止須完得一箇人餘事更沒要緊顏淵伯魚不及中壽而一縷心光照耀萬古可知能爲倫紀中完人卽可與天地無極修短何計焉吾黨中有如此人洵足尊小學齋集

文集五

一

之

君諱鳴和字望之疑祉長嗣也幼卽岐嶷氣宇端重迥異凡兒有至性事親能得其歡心母氏趙疾篤稽顙北辰願以身代額隆然起不知也趙卒君哀毀骨立附身附棺必誠必信悉遵朱子家禮事繼母蔣一如所生與弟永之炳之友愛無閒永之亦好學時或討論古今夜分忘寢娓娓不倦炳之少君十六歲君奉疑祉命親爲教導委曲裁成以求當親意教之切正其愛之至也君天資穎異習制藝精深閱博卓然名家詩賦不事雕飾天然秀發鄉先輩咸

器之謂非池中物而君顧恂恂如不及早歲游庠省試屢薦不售遂棄去廣求濂洛關閩諸書熟讀精思深求其故一日讀先文清公讀書錄毅然以古人爲必不可師遂專務於躬行實踐一舉一動要於誠敬冀以自淑淑人爲世道人心計惜天靳其年未獲大顯而其學又不輕以語人故世亦竟無知者平居端靜不苟言笑而待人接物藹如也處親友間一主樸誠不參以世故奉師敬禮尤篤聞有講道宿儒不憚遠途負笈間出游遇山水勝地輒流連眷顧約同學肄業將效鄉先達高忠憲公可樓故事曰地偏者心自遠鳶飛魚躍水流花放差可人意也從弟寶千以少

尊小學齋集

文集五

二

年篤學誦法程朱與君尤莫逆切磋琢磨相期遠大擬社傳家節儉君幼卽知刻苦飲食起居無分毫靡費凡諸善舉必竭力贊成不少吝謂體親志宏利濟將以求此心之所安也其教子弟以小學一書爲首務反覆講貫無間寒暑易簣時猶喃喃不絕口吁君之所得力者於此益可見矣君生於道光辛巳卒以庚戌得年三十配孫氏先君卒繼沈氏歸君八十日而卒又聘范氏未婚而君卒氏奔喪守貞計十有九年逝世子丙元郡廩生

論曰吾邑自高願諸先生倡道東林學者景從爲海內宗仰自是以降士習日浮競以詩賦文詞爲博取科名具名

流宿學兀兀窮年垂老不克與於斯道君以一世家子乃能卓然自立一意儒先篤修內行粹然爲名教完人固君之天資醇篤使然抑亦凝祉飭躬砥行誦法終身有以啟之也君雖不克永其年而孤子丙元少年績學能讀父書早已騰茂蜚英矯然自異異日所造必有益擴淵源爲君完未竟志者君亦可以無憾矣乎

尊小學齋集

文集五

未竟志者君亦可以無憾矣乎

早曰無效置英誠然自異異日復徵必有益觀識顯貴
不曰吾雖不克永其年而孤子丙元少年績學能讀父書
早曰無效置英誠然自異異日復徵必有益觀識顯貴
不曰吾雖不克永其年而孤子丙元少年績學能讀父書
早曰無效置英誠然自異異日復徵必有益觀識顯貴
不曰吾雖不克永其年而孤子丙元少年績學能讀父書

謝蕙庭傳

子生平無他嗜好惟於四方真實好善之士輒不禁饑渴慕之以一見爲快向聞吳中多好善士以謝蕙庭爲首推因走金閭訪桃塢相見之下樸誠懇至穆然清真言及一切善舉輒再三懇憑義形於色心益加敬知名下果無虛也自是每至蘇垣下榻賦雪草堂作竟夕談深情厚誼二十年如一日庚申之變時事倉皇君亟謀義振以弭內患故不遑早避賊賊至搜得之知爲謝善人也則釋之嗣君家福方十四齡賊知爲謝善人子也亦釋之因得完聚君目擊瘡痍無力普救焦勞悲憤悒鬱無聊閱數月竟歸道尊小學齋集

文集五

四

山迄今又十餘年矣落月屋梁感深宿草家福奮志讀書善承先志竊幸故人有子爲之快慰旣而以治一日之長持行略徵傳予以生平至友誼不容以不文辭爲次其行略如左

公諱元慶字肇亨號蕙庭性孝友五歲入塾受朱子小學身體力行下帷攻苦文采斐然鄉先達目爲偉器弱冠後父母相繼歿仰天泣血曰今而後祿不逮養矣絕意進取日以敦本睦族利人濟物爲己任遇親族戚黨之孤寡窮苦者飲食教誨恩義兼至有范氏遺意焉又籍孤燈四百餘戶月贈錢米生老死病婚嫁學業另有助日僕僕委巷

躬自致送歷三十年不少閒予嘗目擊爲之怛然道光辛卯江北水災災民踵至君設廠振卹所活良多壬辰吳中米貴君設平糶民賴以濟乙未淫雨傷禾稼民苦饑君籌資振之丁未汴省旱君以錢粟往戊申壽興沙淹予飛信告急君首倡協濟竝行卹產保嬰法己酉江南北大水流民載道郡紳屬君查振全活無算庚戌歲大饑赴吳塔等處振卹有加咸豐癸丑蘇垣戒嚴君舉行保甲外倡平賣粥局分濟貧民歷久不廢金陵陷後難民麇至君設廠安插至者如歸丙辰吾郡苦旱君集資來振鄉人德之庚申杭城恢復君集金撫卹慈懷悲願畛域不分其他善舉不

尊小學齋集

文集五

五

可枚述蓋君生平遇善必爲有爲必勇若有出於情不自己者性儉約布衣淡飯始終不易其操遇人急難輒慨然解囊不少吝素工畫蘭索繪者易之以粟以濟孤寒間或缺乏則焚香告天一二日必有助者蓋至誠所感神相之矣庚申四月賊陷省城尙寓志德堂振給貧民賊欲給君收埋事君於義不可遂遁居黃埭至六月杪聞同宗死難耗一慟幾絕遂以不起彌留之際所言一秉大義無分毫及私事吁如君者真古所謂有道君子也目之爲眞善人豈足以概君也哉君卒於咸豐庚申六月二十四日享年六十有三余因之有感矣儒者每矜言胞與薄煦煦之仁

爲不足數一旦出身加民大都徇利忘義於民生疾苦幾
同秦越君以一布衣已溺已饑殫心利濟雖毀家弗卹而
又不矜名不希報其爲人賢不肖何如耶子張問善人之
道子曰不踐迹亦不入於室質美未學者往往如是君以
善爲命而能識大體持大義篤修內行約己利人舉動悉
遵先民矩矱知其中之所得者深焉古所稱有道君子君
其庶乎自古有隱行者必昌後君雖未嘗以是責報於天
而嗣君家福能成父志方以積善力行無忝所生爲急急
異日所造必有不可限量者家福勉乎哉

尊小學齋集

文集五

六

異日視設教者不有別益皆其功也
而隨昏案誦張丸父毒殺心者其功亦不
其流乎自古有顯者皆必昌後君雖未嘗以是責報於天
數矣另飛數賊其中之抱骨者殆盡古所謂善報者乎
善報命而強辯大體持大義篤修內行約己利人舉動悉
遵先民矩矱知其中之所得者深焉古所稱有道君子君
其庶乎自古有隱行者必昌後君雖未嘗以是責報於天
而嗣君家福能成父志方以積善力行無忝所生爲急急
異日所造必有不可限量者家福勉乎哉

陶生介肩傳

嗚呼吾何忍而傳吾甥陶生介肩也生之歿也以同治二年在靖江避地時迄今已九年矣吾女亦以哭生故病歿遺孤二次殤長者尙未冠觸目傷心不堪回首嗚呼吾何忍而傳吾甥也生本姓徐氏爲江陰望族世居華墅七歲出繼於泗港陶氏生幼卽岐嶷異常兒讀書過目成誦學爲文心思才力迥超流輩每出一莖鄉先達無不交口稱譽張雲階孝廉生受業師也念其貧恆招致家塾優加培植飲食教誨無異所生故生得專心力學文名日益噪年十九縣試首列邑侯楊廣三素以能文名得生文目爲奇

尊小學齋集

文集五

七

才子之相攸也以雲階孝廉囑評華墅社課得一卷高瞻遠矚清矯拔俗心竊異之因兩冠其曹後知爲生也心契之遊泮後以貧故尙未娶又一年雲階孝廉爲作伐予欣然諾是歲入贅予家予以公事紛繁刻無停晷喜生之來家事一切悉委任之生於讀書之暇料理內外秩然肅然或襄善舉尤盡心力無少懈學爲古文出入歐蘇尤能因文見道深得古人立言之旨爲古近體詩大抵抒寫性情憂時感事之作而奇氣逸出一洗浮靡輕滑之習爲常郡宿學陸鞠人所賞有至性事繼祖母繼母及本生母均委曲承順得其歡心每解館必兩處省視所得脩脯悉以爲

甘旨備後繼母及繼祖母以天年終附身附棺必誠必信無分毫憾粵匪之擾予挈眷避地渡江時生以本生母避居壽興沙病不能起與諸兄弟偕侍疾衣不解帶者月餘積勞已甚又以壽具尚在南謀昇至沙會訛傳賊氛逼近倉皇亟走因得痰咳症未幾本生母卒哀毀逾恆咳益甚加以咯血百方調治竟至不起嗚呼生之死死於母病孝可知矣彌留之際猶以親師大恩無以酬報爲惓惓自知病亟勸兩兒以讀書自勵爲先人顯揚地各取硯一方給之從容訓諭神明朗然會有友視疾乃取予所刻免劫圖指謂友曰爾試看此圖是何等說法言訖寂然卽瞑目逝

尊小學齋集

文集五

八

得年三十有六嗚呼生於去來之際了了如是知其中之所得有深焉者矣生生平勵志劬學砥礪躬行惟日孜孜以古人自勉持己刻苦布衣蔬食無敢絲毫浪費而於親友之急往往典質以助無吝色兄弟閒友愛尤篤終身無閒言遇事有卓識嘗爲人排解紛難片言立剖兩造無不悅服與人交樸誠無欺一時知名士無不樂與交喜閱儒先書不欲自立門戶尤留心經世之學蘇常失陷後時事日紛而自顧無尺寸柄拯人水火惟偕諸同志亟亟集捐日以救濟難民爲務謂不能殺賊且拯同儕吁生之用心苦而其志亦可見矣予今年逾六旬以生故如失左右手

下視藐孤相對熒熒尙未成立披閱遺藁筆墨淋漓徒增
感悼略書梗概俾垂家乘益不勝中懷之惘惘云

尊小學齋集

文集五

九

愚泉先生傳

子與薛君研博沈潛相投忝稱莫逆竊見其醇德篤行心存利濟見善必爲無一毫矯飾心雅重之時君尊大父愚泉先生以成均碩望年登大耋應道光乙未恩科鄉試恩賜副貢生精神矍鑠意興油然鄉里榮之咸奉觴爲賀因得謁先生和風雅度穆然清真益知君家學淵源其來有自又七年而先生歿孫曾繞膝五福全歸非甚盛德何以得此庚申之變君已先歸道山故交零落悵悵正深辛未夏初先生曾孫鏡平衡平奉先生行述請作傳末學小生學殖荒落立言何足爲先生重顧以世交之末誼不尊小學齋集

文集五

十

可辭謹爲詮次其崖略如左

先生諱交泰字象書號愚泉考殿鵠母吳氏生四子先生其叔也先生幼聰慧弱冠應郡邑試皆前列院試屢蹶卽援例入成均應南闈鄉試者再乾隆乙巳歲大禋殿鵠以食指浩繁令諸子析爨先生任家政兼理舉業無何殿鵠與吳相繼卒先生哀毀盡禮服闋後以家事殷煩不獲再應省試而好學不倦暇卽從事丹鉛足不出戶謂開卷有益何可一日忘也性儉約飲食服用事事從省而待人從寬生平未嘗有疾言遽色而見人急難輒汲汲代謀如不可終日諸佃有宿負者概不較奴僕或孤獨無依雖老病

不遺謂此輩苦人如不容必窮餓以死其存心處事類如此先是從弟仙池君倡捐義莊族之孤寒者均有所恃先生又念鄉里中異姓之窮無告者亦不少因倡捐田數十畝命族孫衛芳凝祉諸君敦勸同族集捐田畝酌立規條顏其堂曰永善推恩錫類由親及疎澤及桑梓鄉閭戴德至今賴之晚年研博君讀書有成先生慰甚謂有孫繩武吾又何求故一切公事家事悉委之惟日手一編集古今史傳中忠孝節義之事彙成一冊曰讀史會纂手自鈔錄以示子孫曰人生讀書以古爲鑑鑑一照則妍媸立判可法可戒在人之人能自得師而已又曰吾生平所服膺弗失

尊小學齋集

文集五

七

者曰厚譬如物之纖巧者其用不久刃之鈿利者其鋒易挫汝輩誌之傳家之本不外是也吁卽此數端而先生之以盛德獲厚報者蓋有由矣晚近人情往往席先世餘蔭高貲坐擁聰明自負以華侈相尙以刻薄爲能言及善舉輒不勝蓄縮推諉以爲迂遠先生葆素養真邈然如寒素而瞻族恤貧扶危救急藹然惻怛動乎至誠固有出於天性之本然初非有爲而爲者宜其享大年膺遐福受國恩歸然爲熙朝人瑞爲藝苑典型固邦家光非僅閭里榮也洵可風矣先生之恩賜副貢也是時年已八十有一猶健步善飯神明朗然邑中士大夫莫不加敬又七年

而先生歿享年八十有八配諸氏繼配唐氏子一煦早卒
諸出孫二人曾孫九人

尊小學齋集

文集五

主



而先生歿享年八十有八配諸氏繼配唐氏子一煦早卒
諸出孫二人曾孫九人

李梧軒傳

子之始識李君梧軒也在蘇垣寓齋時君方捐穀百石爲保嬰局作久計接見肫肫心雅重之嗣以善舉商輒助相知頗深旣而君李予時避地江北爲之爽然令子金鏞善承志蘇常陷後杖策從戎以救人爲事歲辛未從陝秦差回揚會族修譜以予知君溪乞傳爰本平日所悉及得之君中表沈光裕者以貽之

君諱廷發字梧軒殿臣仲子也幼有至性以孝友聞比長去農而商赴蘇經紀以誠信孚衆有閩商林某者居貨萬餘金遭病亟自念離家數千里不能剋日返夙重君爲請

尊小學齋集

文集五

三

裕周行委巷中有貧不能舉火者以錢擲其家趨而去蓋不欲令知也莫年業日起而儉約如素遇救急濟貧事勿吝歲時還家凡親屬故舊之不給者必有饋贈與同里倪勵菴創建保嬰局倡捐千金辦法良美仿之者衆以咸豐十年卒年六十有一配孫氏先卒子二長金鏞以軍功保舉卽補知府次金桂女一

論曰學不至於無我不可以言學近世講學家往往矜言胞與一旦遇同類有急輒退然謝卽有好行其德者亦不過出資相助求其養生送死視同骨肉不存纖毫芥蒂者卒不可得公一經紀人未嘗學問乃能不爲名不爲利真

尊小學齋集

文集五

四

切懇至救人忘己一發於此心之不容己子夏氏所謂雖曰未學吾必謂學者公其庶幾乎是可傳矣

...

...

倪勵菴傳

予嘗歷游大江南北聞有好善之士輒心嚮往之欲以一見爲快然求其真實不二者不可多覲後乃於同鄉倪君勵菴得之君長予七歲居同鄉相距十餘里始不相聞也予於吳門三徑堂善書局屢見君手札購善書心誌之旅卽訪君一見如故肫肫然古君子也後以善舉相往還深情厚誼遂成莫逆凡諸善舉君必首倡一時善士如李榕軒秦慧養小篔沈光裕汪伯筠諸君方外悟泉皆實心實力相與有成故好善之風邑以蓉門爲最不幸粵氛肆擾予避地江北君則輾轉海上患難中尙刻刻以拯救爲心

尊小學齋集

文集五

五

不一年君歿迄今八九年矣喆嗣顯祖持君行略乞傳爰舉其大略傳之按君諱景珪號勵菴系出元高士雲林先生後父熙之母徐氏幼端重讀書通大義以家政仔肩服賈養親好道人善遇有談人過者輒以他詞掩之一日櫃內失銀百兩探知夥友某取衆聳君發其事君感然曰我失銀事小彼終身名節事大卒不言性好善道光二十九年邑大水災民無聊君首倡捐資設粥以濟咸豐六年大旱又續前議以濟并倡議捕蝗給錢代振其避地海上也同鄉避難絡繹而至無以活李生金鏞與諸紳士設局眞如鎮君雖衰老又力疾從事并製紡車分給鄉多溺女君

見子所定保嬰規條善之立即仿行創建堂宇收養就其中兼辦恤廢助喪掩埋築圩開河諸事君見無不爲爲無不勇一方頌德人無間言如君者非眞實好善古君子耶君生於嘉慶七年卒於同治二年配蔣氏子三長次早卒三卽顯祖女三顯祖好讀書又孜孜從事於諸善人後且以舉業遊子門予嘉其苦心勤劬日有進益以底於成者君可無憾矣乎

尊小學齋集

文集五

六

馮穆兩節母合傳

節母馮氏穆氏妯娌也以苦節著馮爲薛連皋配穆爲薛明皋配距子居六七里子耳熟焉蓋皆從千磨百鍊中錚錚自立者馮子景清從子游手持兩節母行略乞傳諒不獲辭遂撮其大概合而傳之

馮節母同邑蘭春之女年二十二歸薛連皋事翁姑以孝舉二男一女連皋疾篤節母衣不解帶者累月昕夕焚香籲天乞代卒不起彌留之際舉家正哀號聞卒不見節母尋覓不得詰旦入自西港河來見衣浮水面疑溺者告於眾掖之出始知爲節母也蓋節母知連皋必不起預作書尊小學齋集

文集五

七

述志謂我死夫愈翁姑有賴子女皆幼祈諸親憐憫書儲匱匣潛奔西港河至是遇救良久乃甦知連皋已故日夜號泣水漿不入口母詔之曰兒奈何守小節而昧大義獨不念高堂白髮膝前黃口乎且子昔之遭與兒今日何異子所以不卽死者正以立孤爲難耳上事下撫責皆歸兒何不審重輕若是節母乃瞿然起勉營喪葬諸孤俱幼節母仰事俯育艱苦萬狀比景清成立翁姑先後逝世而節母之力瘁矣咸豐十年蘇常失陷家中劫掠一空節母年老聾病視死如歸見賊不屈身被七鎗後漸愈越三年同治癸亥卒於南馮母家景清爲奉養計遠出未歸囑娣氏

穆傳遺命謂門衰祚薄祖父屬望不淺吾兒能爲先人手氣吾目瞑矣吁其志蓋可見矣享年五十有二計守節二

十二年

穆節母同邑福田之女二十一歲歸薛明皋甫四年而明皋歿食貧矢志撫姪景節爲嗣卽馮之次子也恩勤教育視如己出未幾殤哀之甚又不敢形於色恐傷堂上心也後遂茹齋歸心淨土治家以儉紡織鍼黹以佐米鹽庚申之變節母結草廬於明皋墓旁課佛益虔賊至不避竟無恙後卒於同治七年先日飲水謂吾將滌我腸胃以見佛臭皮囊無所戀也飲水旬餘臨終如蛻享年五十有二計

尊小學齋集

文集五

六

守節二十七年

論曰易稱坤之德專故婦人以從一而終爲正義粵逆之擾綱淪法斃鬚眉男子猶難言之世風靡靡誠有不可問者兩節母遭遇相同處心則一以死自誓處變不更洵可傳也且吾聞馮母冀穆母謝均以節孝聞榮邀旌典大節炳然後先輝映知其稟承爲有自也吁可以風矣

祭李申耆師文

嗚呼月黯雲愁江左失靈光之望山頽木壞藝林乏砥柱
之人念樂育於當年每深啣結恨親承之來晚曾幾何時
惟我夫子人倫之紀篤生偉奇中立不倚與古爲徒造道
若咫譽重木天大聲里耳爲吏則循愛民若子扶弱抑強
其直如矢於俗寡諧一官敝屣主講暨陽實學是砥力矯
浮靡百年衰起化雨均沾春風廣被經術大儒斯文正軌
璞玉渾金用式多士吾無能名彷彿如是我生緣短及門
最晚憐我單寒獨垂青眼爲之提攜賜之推挽督以懋脩
其則不遠方戒浮華迷途斯返範我馳驅言就平坦自親
尊小學齋集

文集五

七

講筵屈指三年一瓊株守勞勞硯田未能扶杖晨夕周旋
應課來院必侍席前爾時問視未損食眠謂可長恃佑合
邀天游楊立雪庶企前賢去年風中手足遲重扶病丹鉛
時聞諷誦竊窺精神尙堪強用謂仁者壽祝之者眾是雖
少衰無憂幻夢胡天不弔不憖遺老奪我典型韜其大寶
菁莪孰培粃糠誰掃此理難明殊不可曉杳杳雲車悠悠
丹旒遐哉箕尾渺焉坊表辱在門牆心尤如搗聞訃傷懷
望風震悼爰潔清酌爰採蘋藻南豐瓣香聊伸傾倒何處
歸鼻搔首蒼昊嗚呼哀哉伏惟尙饗

尊小學齋文集六

人自此昧然不歸入海滋無言說無錫余治蓮邨

茅山記

壬子春小子隨長兄勛堂游茅山攜所刻勸善書畫布送
登覽之頃憬然有懷有不自知其怛怛心動者日暮留宿
清虛閣與羽士晤談夜分始寢寢不成寐披衣起坐哀思
孺慕觸緒紛來如癡如呆嘆息泣下作幻想者久之憶小
子幼時吾父從茅山歸必攜茅山圖指說華陽洞天勝境
厯厯在目并攜茅山土物茅朮蓼花糖及小兒玩具竹喇
叭等件分給兒輩小子等跳躍迎候詳細敬聽宛如昨日
尊小學齋集

文集六

一

忽忽至今已三十餘年吾父秉養亦已十餘年予兄弟年
皆過壯欲求曩時景象已不可得矣設使今日吾父尚健
在一旦憶舊遊仍赴茅山必挈予兄弟同舟泊清涪河
必爲吾父呼肩輿予兄弟左右扶掖趨蹌恐後相隨至華
陽洞洞口狹而中宏深而窈吾父必指謂曰此真君成道
處寶誥中所謂栖句曲以登真者卽此地也洞中深遠莫
測底止相傳有人深入數里見奇形詭狀石臺石櫬諸物
會有入而不出者尋之得白骨一具疑洞有怪異物恐傷
人自此相戒不准入後遂無有進者道書所謂第八洞天
良不誣耳兒輩誌之未幾遊客麇集予兄弟演說各種勸

善書諸客環聽有點頷者吾父謂小子爾能若此甚善特恐自治未遑爲可憂耳小子聞言必悚然起敬相隨至印宮宿齋房與各道友話舊劇談娓娓不倦越宿將返仍奉吾父命多買茅朮蓼花糖及竹喇叭諸玩具以歸下山時見道旁羣丐如鱗次孤老殘廢相率作乞憐狀吾父見之必惻然顧小子等謂此皆吾同類宜各有以周之予兄弟必體吾父意卽以所餘路費每人酌給數文傾囊與之尙不敷吾父謂悔不徒步以肩輿之費施丐者當稍徧竝謂爾兄弟知之薄於自奉厚於救人此吾素志汝輩須善體之予兄弟謹敬奉教至河干登舟鼓棹中流作櫓唱以歸

尊小學齋集

文集六

二

抵家予兄弟奉杯酒以獻吾父謂戒酒數日頗能耐今日既有酒當爲酌一杯酒微酣呼家人婦子聚首一堂述茅山之遊分茅朮蓼花糖竹喇叭諸物各歡喜拜受吾父必引滿起舞謂垂老尙作此游真快心事予兄弟竊窺吾父興會未衰精神如舊亦欣喜不自勝謂天倫之樂至斯爲已極也而今何可得哉終天抱憾風木生悲回首前游徒成幻想嗚呼噫茅山之上白雲渺然叩踪跡於依稀想音容於夢寐妄念所結輒作此寄懷投筆泫然於不可必得之事作厯厯如前之想山靈有知當更如何笑我也

江陰沙洲靖盜記

咸豐四年春郡守世顯侯公因江陰鄉民抗霸錢糧親蒞設法化導囑邑侯翟讓溪明府延余偕鄭守庭孝廉赴鄉勸諭以次至東鄉楊舍鎮鎮固瀕江有堡城駐有都關府余至時聞該處民情震動知江中壽興沙盜匪滋事嘯聚日眾大江南北幾至商旅不通盜首王二麻子名錦標巨猾也以拳勇著名江湖會事敗竄至沙洲布散謠言號召黨徒附和者數百計巨艦橫江犯案重疊官捕莫敢正視時福鎮葉總戎奉制軍密扎將會江常各營刻期進剿該匪聞之恃險負隅毫不介意余思此沙四面臨江民風強

尊小學齋集

文集六

三

悍習慣私販宜使散不可使聚若遽加剿辦鉅險而走既恐貽害沿江各邑而本沙良民反致玉石不分萬一勦辦不能盡善則該匪得志將爲蘇常心腹之患事關大局豈容坐視救時弭釁莫此爲先正焦思聞翟明府忽捧何根雲學使檄至囑予先行馳赴協擒元惡蓋葉總戎以三月十二抵江陰將檄水師會剿翟明府聞於學使故有此命同人阻子行謂若輩虎狼也吾子長厚恐墮若輩阱余不顧遂偕友人朱朗夫上舍及門徐子濟茂才於十二日渡江抵沙日集沙民宣講鄉約反覆開陳曉以天理惕以王法動以人情無不人人感動蓋該沙於道光二十八年潮

盜成災余首先募捐於蘇郡錫邑得資四萬餘振恤築堤以是虛名所在爭先迎候老幼環聽且有感泣者余見其心動遂囑沙友四出密諭傳學憲令速縛盜魁以獻眾皆免越日果擒錦標至是晚該匪畏法自盡十六責令繳出火器軍械大船六號及該匪屍首解縣驗收人心大快時水師營葛範五守府已調率所部兵船在黃田港守候將十八九日赴沙矣余亟商翟明府謂巨魁已得餘知悔罪自首宜許以自新若加官兵轉恐蹂躪滋釁明府然余言稟請學憲及福鎮免加兵余偕葛守府面商葉總戎總戎以南岸盜首薛嘉禾未獲未能了案余許徐圖總戎乃於

尊小學齋集

文集六

四

二十四撤兵回轅余於二十五日反棹旋里至四月初二再渡江抵沙初四李梅溪守府因該轄鹿苑汛盜案限叅必得要犯薛某到案亦來沙面托余遂用所招之眾責令密拏薛某將功贖罪初五晨早囑朗夫冒雨渡江不半日竟獲薛嘉禾初六解福轅餘匪等誓日指天不敢再犯江濱盜藪一洗而空郡紳趙伯厚宮贊聞之大喜致書學憲優加獎異有不意一書生能幹此大事深堪嘉尚等語王衡山明府亦以此事不費一兵竟擒元惡深以爲慰自是遂有辦理保甲之役興義學行鄉約一時沙民安分力田舊習頓變沿江各處盜案不聞實由於此余竊喜以一介

迂儒當渡江之先盜匪披猖其勢洶洶局外咸爲予危而予竟得於旬日間僥倖成功弭此大患一若有默爲相之而特假手於予者真可異也方今天下多故所在蠢動一星之火動輒燎原若輩蚩蚩耳初非必欲與國爲仇也善爲曉諭何難立解特恐各懷疑忌張皇請兵小題大做使窮寇無容足之地致困獸有挺走之虞一潰難收大妨全局又或金玉爾音太自貴重自詡智叟不學愚公卒致坐失事機追悔莫及世事之壞大率由此特記之以備消弭禍變之一得云

尊小學齋集

文集六

五

奇緣記壽洪子泉五十

遂安洪君子泉子神交友也遇相同志相合而地相暎時於首問中想像其人默爲印證歷十有餘年矣風晨雨夕索居無聊披君所著書核所行事往往先得我心恨乏縮地術俾頃刻晤一罄所蓄引睇江雲彌增神溯戊申秋薄游苕上偕長興金君石林訪歸安王君蓮莊謀拯救溺女事而君適以采訪兩浙節孝亦於是日抵王君家蓋九月二十有六日也千里萍踪一旦相合離緒歡悰殆難名狀把臂之下若疑若怪天耶人耶會合之奇有如是耶先是君每與仁和張君春伯言將訪子於三泉山麓子每至杭

尊小學齋集

文集六

六

晤春伯亦私冀或一晤君得聯袂於六橋三竺間以爲快既又念吾兩人踪跡無定胡能巧值若是徒幻想耳詎意不謀不約不後不先竟得相遇於此此豈偶然事哉君長子十歲今已五十矣髮數莖白而貌益豐神益健氣益壯知其中之所得有深焉者相敘數日對牀夜話大快生平益知君赴義之勇好善之篤精心果力一本至誠有迴出尋常萬萬者而數年來企慕之私至是乃大慰也浹旬後予抵杭訪錢塘蔣君藹卿而君以候子故尙逗遛省垣因并約春伯藹卿偕游西湖歷觀諸名勝謂奇緣天假當勿令山水笑人也春伯持孫君蘋橋爲君所繪畫圖屬爲壽

言予曰是吾之責也惟古者道義之交別有心賞性情之契頌不忘規予愧學識淺陋未能力爭向上何能以環土爲泰山之益特今日之遇有得乎意中而出乎意外者天或者未必無意於其間謂我兩人僕僕窮年不違自了欲使吾輩知天下事要有一息而千古者在俾進而求之庶幾切磋琢磨相與有成而不僅沾沾於有爲善舉畢乃事乎爰不敢效世俗頌禱例惟卽今日遇合之迹引而伸之以爲君壽且以相勗云

尊小學齋集

文集六

七

蓮蓉菴復設邵氏兩孝子神位記

余鄉舊有邵孝子一名天祿一名可學竝邀憲旌入邑志
去年從同鄉故家舊書堆中見孝子事略兩紙詳載始末
竝知設位於北七房蓮蓉菴係里人公立竝懸匾額今菴
中無遺跡可查訪諸故老茫然莫詳秋八月偕同人求訪
孝子裔僅有老幼二人皆赤貧叩老者以孝子事據云乾
隆中菴僧欲修理向吾父捐資吾父貧許助數百文僧拂
然且云汝旣不捐汝祖宗在菴僧亦不能看管速撤歸勿
僭菴地吾父不得已將木主匾額收回藏家後遭家難以
獄訟傾家匾額已易作他料今屋宇倒敗借任親戚家尙
尊小學齋集

文集六

八

有木主十數在額垣破竈中余卽相偕往視見木主都混
入亂磚卻無孝子位旣周尋牆址外見籐蘿中隱約有木
板倚敗壁探出之則一爲孝子邵天祿之位一爲孝子邵
可學之位傍注里人公立字樣尙未磨滅同人喜出望外
當卽捧歸倩工人葺而新之送入蓮蓉菴復其舊使里人
知所觀感當必有聞風興起者非獨吾黨之私幸已也

蓮蓉菴復設邵氏兩孝子神位記

蓮蓉菴復設邵氏兩孝子神位記

蓮蓉菴復設邵氏兩孝子神位記

蓮蓉菴復設邵氏兩孝子神位記

建慧山廉子祠記

錫邑右族多立宗祠於慧麓其始祖有功惠者有司祀之先賢廉子昔未有祠創建于道光癸未先是嘉慶中廉氏彙修宗譜告成咸曰有譜牒無宗祠何以妥先靈而隆孝享况先賢如子庸子久從祀孔子廟廷而家獨無祠非禮也於是廉君承甫定創建之議方無仁宗時海寓清平物產繁庶錫山當東南孔道輻輳轉運百貨咸集廉氏之居此者世業賈承甫自議建祠卽視貿易所入每千出十數文藏之公以其法行之合族之業賈者不憚煩瑣銖積寸累閱十年而所積盈萬緡由是度地興工承甫日經營

尊小學齋集

文集六

九

于慧山之麓近世自宗法不行推輩行之最尊者一人爲族長有春亭君者廉族之最尊也凡建專祠例由學院達禮部春亭詣江陰上其狀于學使者議格不行春亭日號哭轅門外會學使者出問之曰吾廉氏裔也奉主命以建立先賢祠不許吾主無以見祖宗吾無以見主矣義而許之收其狀咨于部部文下而祠成是役也王以越歲而竣用錢二萬餘千承甫與從兄謙齋實始終其事家以此中落弗悔也祠旣成于控江門外置市廛一所歲收其息以爲祭祀修葺之費承甫曰于祠中焚香讀書無事足跡不出戶外寢疾始移榻于家死之日命子權停柩于祠之旁

屋無渴葬其惓惓于祠如此承甫名揚烈春亭名瀚謙齋
名啓勳

尊小學齋集

文集六

十



尊小學齋集
文集六
十

